



Kalaallit Nunaanni Tunup Kujataani qilalukkanik qernertanik
kisitsineq 2022

Pinngortitaleriffik aamma Tunumi qilalukkanik
qernertarniartartut suleqatigiinnerat





Imarisaa

<i>Eqikkaaneq; qilalukkanik qernertanik kisitsinermi suleqatigiinneq</i>	3
<i>Pinngortitaleriffiup Tunumilu piniartut akornanni pilersaarusoqatigiilluni ataatsimiinneq.....</i>	6
<i>Timmisartukkut kisitsineq pillugu eqikkaaneq.....</i>	14
<i>Pinngortitaleriffik Tunumilu piniartut akornanni suleqatigiissitami ataatsimiinneq 25. juuli 2023, Tasiilaq aamma internetikkut, Tunumi qilalukkanik qernertanik kisitsinermut atatillugu misilitakkat pillugit (aasaq 2022).....</i>	17
<i>Pinngortitaleriffik Tunumilu piniartut akornanni suleqatigiilluni ataatsimiinneq 5. oktobari 2023, Ittoqqortoormiit aamma internetikkut, Tunumi qilalukkanik qernertanik kisitsinermut atatillugu misilitakkat pillugit (aasaq 2022).20</i>	20
<i>Ilanngussaq 1: Pilersaarusoqatigiilluni ataatsimiinnissamut oqaluuserisassat peqataasussallu aqqi, 7.-8.juuni 2022</i>	23
<i>Ilanngussaq 2: Kisitsereernerup kingornatigut ataatsimiinnissamut oqaluuserisassat kisalu peqataasussat aqqi, Tasiilaq 25. juuli 2023</i>	25
<i>Ilanngussaq 3: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juuli 2023</i>	27



Eqikkaaneq; qilalukkanik qernertanik kisitsinermi suleqatigiinneq

Rikke Guldborg Hansen, Pinngortitaleriffik

Kalaallit Nunaat NAMMCO-mi, tassalu Atlantikup Avannaani Imaani Miluumasut pillugit Ataatsimiititaliarsuarmi ilaasortaavoq, taassuma Tunumi qilalukkanik qernertanik piujaannartitsinermik tunngavilimmik piniartoqarnissaanik kalaallit naalakkersuisui siunnersortarpai. Qilalukkat qernertat aasakkut Kalaallit Nunaata imartaaniittartut piniarpallaarneqartarnerat nunarsuarmi qilalukkanit qernertanit allanit naleqqiullugit sanngiinnerusumik inissimasuusut ilaatigut NAMMCO-mit, JCNB-p (Canada-Greenland Joint Commission on Beluga and Narwhal, tassalu Canadamiut kalaallillu qilalukkat pillugit ataatsimoorussamik ataatsimiititaliaat) ataani ilisimatusarneq pillugu suleqatigiissitamit kiisalu IUCN-imit (The International Union for Conservation of Nature, Pinngortitap piujuartinniarnissaa pillugu nunat tamalaat suleqatigiiffianit) nalilerneqarput. NAMMCO-p qilalukkat qernertat pillugit ilisimatuussutsikkut ataatsimiititaliaata Tunumi qilalukkanik qernertanik uumasoqatigiinnik tamanik piniartarnerup tassanngaannartumik unitsinneqarnissaa 2019-iminngaanniilli innersuussutigisimavaa. Inatsisartut Tunup Kujataani qilalukkanik qernertanik kisitsisoqarnissaanik Pingortitaleriffimmut 2021-mi kissaateqarsimapput, taamaalilluni aqtsiveqarfiiq pingasut, tassalu Tasiilaq, Kangerlussuaq aamma Ittoqqortoormiit kisitsivigineqartussanngorput. Kisitsinerit inernerisa NAMMCO-mit ilisimatuussutsikkut atorneqarnissaat Pinngortitaleriffimmut suliakkiutigineqarpoq, taakkulu atorlugit qilalukkat qernertat piujaannartitsinissamik tunngaveqarluni piniarneqartarnissaat pillugu siunnersuineri atorneqarsinnaasussaapput. Qilalukkat qernertat pillugit kisitsisitigut paassisutissat agguataarneqarnerat amerlassusaallu timmisartumik ataavartumik kisitsisarluni katarsorneqarput, qilalukkanik qernertanik nakkutiginnilluni misissuinerni katersat matematikki atorlugu takussutissiarineqarsinnaanngorlugit suliarineqarput, qilalukkat qernertat uumasoqatigiit amerliartornerat takuneqarsinnaanngorlugu.

Piniartut sumiiffinni ataasiakkaani qilalukkanik qernertanik ilisimasaqarnerat pillugu kisitsinissamik pilersaarusrnermi pingaaruteqarluinnartumik inissismapput, ilisimasallu uppernarsarneqarput Islandimilu juunimi 2022-mi pilersaarusoqatigiilluni ataatsimiinnermi ilangunneqarput. Piniariartarfimminngaanniit avannarpasinnerusumiittut aallartitat tallimat aamma piniariartarfimminngaanniit kujasinnerusumiittut aallartitat tallimat ataatsimiinnermut qaaquneqarput. Piniariartarfimmi avannarpasinnerusumi sumiiffik aqtsiveqarfiiup ataatsip (sumiiffik 3) Ittoqqortoormiit iluanniippoq, piniariartarfillu kujasinnerusumiittooq sumiiffinni aqtsiveqarfinni marlunni (sumiiffik 1 aamma 2) tigummineqarpoq, tassalu Kangerlussuarmiit aamma Tasiilamit (takuuk takussutissiaq 1). Taakku saniatigut Ilulissaninngaanneersoq Pele Blytmann aamma Ittoqqortoormiininngaanneersoq Kristoffer Hammeken misigisartakkatik pillugit oqaluttuariartornissamut qaaquneqarput, taakku Pinngortitaleriffiup timmisartut atorlugit arferit Kalaallit Nunaata Kitaani aamma Tunumi ukiukkut 2022-mi siammarsimaneranni kisitsisarnerinut ilaasarsimapput. Pinngortitaleriffimminngaanniit ilisimatusartut sisamat aallartitatut peqataapput, taakku tamarmik qilalukkanik qernertanik misissuisuupput, paassisutissiisartoq ataaseq aamma



peqataavoq. Aalisarnermut Piniarnermullu Naalakkersuisoqarfimminngaanniit Amalie Jessen ataatsimiinnermi aqutsisutut aamma peqataavoq.

Suleqatigiissitami ataatsimiinneq piniartut Tunumi qilalukkanik qernertarniartartut isumaat tusarusullugit aaqqissuunneqarpoq. Pinngortitaleriffiup kisitsinissaanut pilersaarutitut siunnersummiq suleqatigiissitap suliaqarnissaa kissaataavortaaq. Kisitsinermi piffissaliussamik, sumiiffimmik kisitsiviusussamik kiisalu sumiiffiup nalilersorneqarneranik piniartut toqqaanerat kisitsinissamut pilersaarusrornermi ilanngunneqarput. Sumiiffinni ataasiakkaani qilalukkanik qernertanik takunnifflusuni annertusisamik taamaallaat kisitsisoqartassanersoq, imaluunniit sumiiffiit annertunerusut timmisartut ingerlaarfii pilersaarutaareersut atorlugit misiliilluni misissusoqartassanersoq pingaartillugu oqaluuserineqarpoq. Uumasoqatigiit amerlassusaat pillugit kisitsisit eqqornerusut pissarsiarineqassappata sumiiffik annertunerusoq misiligutitut ilanngunneqaruni pitsaanerussasoq aalajangiunneqarpoq. Timmisartup ingerlaarfissaas suleqatigiissitami ataatsimiinnermi isumaqatigiissutigineqartutut timmisartortartunut tunniunneqarpoq aamma timmisartup ulluni isumaqatigiissutaasimasuni ingerlaarfissaattut toqqarneqarsimasut sila ajunngikkaangat qilalukkanik qernertanik misissuinerit tamarmik naammassineqarput.

Kalaallit Nunaanni Tunup Kujataani qilalukkanik qernertanik kisitsineq 25. agustip aamma 10. septembarip akornanni pivoq. Qilalukkanik inuuniutigalugu misissuisartut aamma Kalaallit Nunaanni Tunup Kujataani piniartartut kisitsinermi peqataapput. Ittoqqortoormiit kangerluuni, iterlanni, Blossevillekystenip Sineriaani, Kangerlussuarmi iterlannilu kujasinnerusuni avannarpasissutsimi $62^{\circ}30'$ -mi ingerlanneqarput. Timmisartumik nalinginnaasumik misissuilluni ingerlaartarnerminngaanniit 200 meterit ataallugit ingerlaartoqarpoq kiisalu kilometerit katillugit 2260-imik isorartutigisoq misissuiffigineqarluni, taamaallilluni qilalukkat qernertat katillugit 25-t takuneqarput. Tasiilap aqutsiveqarfiani (Kangerlussuup kujataani) qilalukkanik qernertanik takusoqanngilaq.

Timmisartumik kisitsinermi misilitakkat inernerillu oqallisiginissaat pillugit Pinngortitaleriffik Tasiilami ulloq 23. juuli 2023 ataatsimiisitsivoq. Piniartut Islandimi pilersaarusrorluni ataatsimiinnermi aamma/imaluunniit kisitsinermi peqataasut tamarmik qaaqquneqarput. Pinngortitaleriffimminngaanniit qilalukkat qernertat pillugit ilisimatusartut pingasut paasissutissiisartorlu ataaseq aamma oqallinnermi aqutsisoq ataaseq ataatsimiinnermi peqataapput. Piniartut Ittoqqortoormiininngaanneersut Tasiilami piniartut internetikkut ulloq 23. juuli ataatsimiinneranni peqataasinnaasimannigillat. Taamaattumik Pinngortitaleriffiup aamma piniartut Ittoqqortoormiininngaanneersut internetikkut 5. oktobari ataatsimiisinneqarput.

Pinngortitaleriffik inernerugallartunik saqqummiivoq, tassanilu takuneqarsinnaavooq aqutsiveqarfinni Kangerlussuarmi aamma Ittoqqortoormiini qilalukkat qernertat 441-t takuneqarput (CV=0.39, 95% CI: 212-918). Qarasaasiakkat naatsorsuineq taanna NAMMCOmi



ilisimatuussutsikkut misissuiffigineqarami qilalukkat 365ngortippaat (CV=0.40, 95%CI: 173-769) NAMMCO milu ilisimatuussutsikkut ataatsimiitsitaliamit januaarimi akuerineqarluni. Qernertat Kalaallit Nunaanni Tunup Kujataani manna tikillugu aatsaat taama ikitsigisut takuneqarput, taamaanneralu uumasoqatigiit siunissaat eqqarsaatigalugu NAMMCO-p assut ernumanartippaa. Uumasoqatigiit taakku amerlaassusaat NAMMCO-p ilisimatuussutsikkut Ataatsimiititaliarsuata akuerisimavaa, januaari 2024.

Piniartut ilisimatusartullu ilisimasanik avitseqatigiinnertik kiisalu suliap ingerlanera tamaat ataqqeitatigiilluni suleqatigiinnertik iluarismaarpaat. Suleqatigiinnikkut paatsooqatigiinnerit annikillisnerat aamma ataatsimoirluni paaseqatigiinnerulerartoqartarnera isumaqatigiissutaavoq. Isumaqatigiinnnginnissamut inissaqartarnera nuannaarutaavoq siunissarlu eqqarsaatigalugu isumaqatigiinnerulernissamut tunngavissiivoq. Qilalukkat qernertat aasaanerani ukiut 50-it (Kangerlussuup kujataaninngaanniit Skjoldungen ilanngullugu) aamma ukiut qulit ingerlaneranni (Ittoqqortoormiini/Hjørnedalimi) ikilisimanerat isumaqatigiissutigineqarpoq. Kalaallit Nunaanni Tunup Kujataani qilalukkat qernertat piniarneqarpallaartarnerisigut siammarsimanerisa amerlassusaasalu ikilisimanerannut peqquaasoq ilisimatusartut isumaqarput, silalli allanngornera aamma umiarsuit takornariartaatit akornusersuisarnerat peqquaasoq piniartut isumaqarput. Piniartut timmisartumik kisitsinerit inernerri naammaginngilaat, qilalukkanilli kisitsisarnermi periutsinik allanik siunnersuuteqartoqanngilaq.

Nalunaarut una pingasunik immikkoortortaqarpoq. Kisitsinissaq pillugu pilersaarusrusiorluni ataatsimiinneq (qupperneq 6-14), kisitsinerit inernerri (qupperneq 14), kisitsinerit inernerri aamma suleqatigiinnermi misilitakkat pillugit naggataarutaasumik ataatsimiinneq (17-22). Taamatuttaaq oqaluuserisassat aamma suleqatigiissitat ataatsimiinneranni peqataasut aqqi pillugit ilanngussat 25-28.

Peqataasut tamarmik nalunaarut una akuerererpaat, januaari 2024.



Pinngortitaleriffimminngaanneersut aamma Kalaallit Nunaanni Tunumi piniartut
pilersaarusoqatigiillutik ataatsimiinnerat
Hotel Natura, Reykjavik, Island ulloq 7-8 juuni 2022



Asseq: Suleqatigiissitap ataatsimiinnerani peqataasut (atit, ilanngussaq 1 takuuk)


Eqikkagaq

Qilalukkanik qernertanik Kalaallit Nunaanni Tunup Kujataaniittunik kisitsineq pillugu
Pinngortitaleriffimminngaanneersut aamma Kalaallit Nunaanni Tunumi piniartut
qilalugarniartartut ataatsimiinnerat ulluni 7.-8. juuni 2022 Reykjavik-imi, Islandimi,
ingerlanneqarpoq. Pinngortitaleriffimminngaanneersut ilisimatusartut sisamat aamma piniartut
aqqanillit Kalaallit Nunaanni Tunup Kujataani nunaqarfinninngaanneersut
illoqarfimminngaanneersullu ilaatigut peqataapput. Taakku saniatigut oqallinnermi aqutsisoq
ataaseq, Pinngortitaleriffimmi paasisutissiisartoq ataaseq, oqalutsi ataaseq kiisalu piniartoq
Kalaallit Nunaata Kitaani timmisartumik kisitsinerni peqataasimasoq najuupput. Qilalukkat
qernertat pillugit ilisimasanik ilisimatusartut piniartullu avitseqatigiipput. Oqaluuserisassat ima
aaqqissunneqarsimapput ilisimatusartut piniartullu qilalukkat qernertat pillugit ilisimasaminnik
ilisimasallu qanoq katarsorneqarsimanerannik saqqummiinissaannut periarfissinneqarsimallutik.
Taassuma saniatigut ilisimatusartut qilalukkanik qernertanik misissuinermi periutsinik
tunngavigineqartartunik nassuaateqarput, soorlu timmisartukkut kisitsinerit ataqtigiiillugit
aaqqissuuttarnerannut, kisitsinernut tamakkiisunut, aamma pisareqqitat
nalunaaqutsorsorneqartarnerat pillugit misissuinernut tunngasunik. Piniartut qilalukkanik



qernertanik Pinngortitaleriffik suleqatigalugu kisitsinernut peqataasimasut misilitakkatik pillugit aamma oqaluttuarput.

Piffissaliussat pitsaanerpaaq kiisalu kisitsinissamut sumiiffik pitsaanerpaaq ataatsimiinnermi peqataasut ataatsimiinnerup nalaani oqaluuseraat, qilalukkat qernertat ingerlaartarnerat pissusilersuutigisartagaallu eqqarsaatigalugit. Kalaallit Nunaanni Tunumi qilalukkanik qernertanik kisitsinissamut atatillugu piffissaliussamik pilersaarummik, ilusissaanik, sumiiffinnik soqutiginarsinnaasunik aamma sumiiffinnik pingaaruteqarsinnaasunik piniartut akunnerminni isumaqatigiillutik kiisalu Pinngortitaleriffimmi ilisimatusartut isumaqatigalugit suliaqartoqarpoq. Suleqatigiissitap sulinerata kingunerisaanik aalajangersaaneq pillugu uppernarsaammik timmisartup aqutsiveqarfinni pingasuni (Takussutissiaq 1) ingerlaarfissaanik kiisalu sumiiffinnik pingaaruteqarsinnaasunik imalimmik suliaqartoqarpoq. Taannalu malillugu Pinngortitaleriffik kisitsinissamik aaqqissuussivoq. Aalajangersaaneq pillugu uppernarsaat peqataasunit tamanit ataatsimiinneq suli naammassinngitsoq akuerineqarpoq.






Takussutissiaq 1. Aqutsiveqarfik 1 (Blosseville Kyst $68^{\circ}30'$ -ip avannaaniittoq; avannaani aamma Ittoqqortoormiit), aqutsiveqarfik 2 ($68^{\circ}30'$ -iminngaanniit kangerluit iterlaallu; avannamut 67° Kangerlussuaq ilanngullugu kiisalu Dødemandsbugtenip ilaa ilanngullugu) aamma aqutsiveqarfik 3 (avannarpasissutsip 67° -ip kujasinnerusortaani).

Qilalukkanik qernertanik kisitsinissamut aalajangersaaneq pillugu uppernarsaat


Suleqatigiissitap oqaluuserisassai kiisalu peqataasut aqqi ilanngussami 2-mi takuneqarsinnaapput. Ilisimasanik avitseqatigijittoqareermat pingaarnersiuillunilu oqallitoqareermat ataatsimoorluni nunap assingani titartaasoqarpoq kiisalu qilalukkanik qernertanik aasakkut 2022-mi kisitsinissaq pillugu pilersaarummik suliaqartoqarpoq.




Asseq: Sumiiffinnik pingaarutilinnik tikkuartuisoqarpoq aamma kisitsinissaq pillugu suleqatigiilluni pilersarusiortoqarpoq.




Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiortigineqartoq pillugu kiisalu timmisartup ingerlaarfissai pillugit assaannarmik nunap assiliaq. Aqutsiveqarfik 1 aamma 2. Kisitsit "sumiiffit immikkut ittumik iliuuseqarfisisassaq"-mik nalunaaqutsigaq tassaavoq qilalukkanik qernertanik takusoqaqqarpat sumiiffik qasseriarlugu qulaanneqassanersoq.




Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiortigineqartoq pillugu kiisalu timmisartup ingerlaarfissai pillugit assaannarmik nunap assiliaq (Aqutsiveqarfik 3).



Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiorgagineqartoq pillugu kiisalu timmisartup ingerlaarfissai pillugit digitalimik nunap assilialiorneri (Aqutsiveqarfik 1).



Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiortigineqartoq pillugu kiisalu timmisartup ingerlaarfissai pillugit digitalimik nunap assilorneri (Kangerlussuup avannaani, Aqutsiveqarfik 1; Kangerlussuaq, asseq ikkutaq; Kangerlussuup kujataani, Aqutsiveqarfik 3).



Asseq: Qilalukkat qernertat aasakkut 2022-mi kisinneqarnissaannut sumiiffik pilersaarisorfigineqartoq pillugu kiisalu timmisartup ingerlaarfissai pillugit digitalimik nunap assilialiorneri (Aqutsiveqarfik 3).




Timmisartukkut kisitsineq pillugu eqikkaaneq

Timmisartukkut misissuineq pillugu misissueqqissaarneq aamma inernerri tuluttut

Qilalukkat qernertat Kalaallit Nunaata imartaaniittut piniarneqarpallaarsimanissamut qaninnerat peqqutigalugu nunarsuarmi qilalukkat qernertat uumasoqatigiit akornanni qajannarnerpaatut isigineqarput. Kalaallit Nunaanni Tunup Kujataani qilalukkanik qernertanik annertuumik aggustimi -septembarimi 2022-mi kisitsisoqarpoq. Piffissaliussaq, misissuinerup annertussusaa sumiiffillu misissuiffissaq, sumiiffik aamma ilusaa Kalaallit Nunaanni Tunup Kujataani piniartut isumasioreerlugit aalajangersarneqarput. Kisitsinerup ingerlanneqarnerani inuussutissarsiutigalugu arfernik alaatsinaattut piniartullu peqataapput. Ittoqqortoormiit kangerluini kiisalu kangerlunni aamma Ittoqqortoormiut Kangerlussuullu akornanni iterlaat sinerlugit $68^{\circ}30'$ -mit avannamut 67° -imut (Aqutsiveqarfik 2) aamma avannamut 67° -imit $62^{\circ}30'$ -p missaanut (Aqutsiveqarfik 3) kisitsisoqarpoq. Kisitsineq 25. agustip aamma 10.septembarip 2022-p akornanni ingerlanneqarpoq. Misissuinermi atugassarititaasut pitsaalluinnartut atorlugit 2260 kilometerit misissusoqarpoq, aamma qilalukkat qernertat katillugit 25-t takuneqarput (Takussutissiaq 2). Kangerlussuup kujataani qilalukkanik qernertanik aqutsiveqarfik 3-mi takusaqartoqanngilaq. Sumiiffimmi tamani qilalukkat qernertat amerlassusaat katillugit 365-inut nalilerneqarsimapput (varians, tassalu kisitsinermi kisitsisit atorneqartut=0.40, 95% konfidensintervallet, tassalu kisitsit qulakkiikkat ima paasisariaqarput kisitsinernit 100-nit 95-it uumasoqatigiit qilalukkat qernertat kisitsisinut 73-769-inut inerneqartitsissammata). Aqutsiveqarfimmi 1-mi qilalukkat qernertat uumasoqatigiit 1-imut 176-iupput (varians, tassalu kisitsinermi kisitsisit atorneqartut=0.68, 95% konfidensinterval, tassalu kisitsit qulakkiikkat: 53-590) aamma aqutsiveqarfimmi 2-mi uumasoqatigiit qilalukkat qernertat 188-iupput (varians, tassalu kisitsinermi kisitsisit atorneqartut=0.42, 95% konfidensinterval, tassalu kisitsisit qulakkiikkat: 85-417). Qilalukkat qernertat manna tikillugu aatsaat taama ikitsiglersimanerat uumasoqatigiit amerlassusaat pilllugit kisitsisitigut paassisutissat taakku takutippaat, Kalaallit Nunaanni Tunup Kujataani 1983-imi kisitsisoqaqqaarneranut naleqqiullugu (Aqutsiveqarfik 1) 2008-milu (Aqutsiveqarfik 2 aamma 3 kisitsisoqaqqaarneranut naleqqiullugu). Uumasoqatigiit siunissaat pillugu ernumaneq taamaalilluni sakkortunerulerpoq.



Asseq: Kalaallit Nunaanni Tunup Kujataani piniartut arfernillu nakkutilliisut qilalukkanik qernertanik kisitsinerup nalaani nunap assinga misissoraat.



Takussutissiaq 2. Qilalukkanik qernertanik nakkutilliinermi nunap assinga titartaaffigineqarsimasoq (saamerleq), Kangerlussuup nunap assiliorneqarnerata ilaa ersippoq (talerpiata tungaani qullerpaami) aamma Ittoqqortoormiit kangerluani (Gåsefjord aamma Fønfjord; talerpiatungaani allermi).



Pinngortitaleriffiup aamma Tunumi piniartut akornanni suleqatigiissitami ataatsimiinneq 25. juli 2023, Tunumi qilalukkanik qernertanik kisitsinermi misilitakkat pillugit [Tasiilami](#) internetikkullu, ataatsimiinneq (aasaq 2022)



Asseq: Tasiilaminngaanniit Tasiilap eqqaaninngaanniillu peqataasut (atit, ilanngussaq 2 takuuk)

Eqikkagaq

Pinngortitaleriffiup Tasiilamilu aamma Tasiilap eqqaaninngaanneersut piniartut suleqatigiissitami ataatsimiinnerat ulloq 25. juuli, 2023 ingerlanneqarpoq. Silap ajornera peqqutigalugu ullup aappaa avillugu kinguaattoortoqaraluarluni ataatsimiinneq aallartinneqarpoq aamma kikkut tamarmik Tasiilami peqataasinnaasimannigillat; peqataasut uku video-link atorlugu peqataapput.

Ittoqqortoormiininngaanniit internet ajoraluartumik tammaqattaarmat piniartut tassanngaanneersut peqataanngillat. Pinngortitaleriffiup aamma Ittoqqortoormiini piniartut ataatsimiinnerat ulloq 5. Oktobari nanginneqarpoq (takuuk qupperneq 19-21). Ilisimatusartut aamma piniartut pilersaarusrorluni ataatsimiinneranni timmisartukkullu kisitsinermi misilitakkat pillugit nalilersuisoqarpoq. Ilisimatusartut piniartullu suleqatigiinneq iluarisimaarpaat suliniutinullu allanut tunngatillugu suleqatigiinnerusalernissaq kissaatigaat. Soorlu assersuutigalugu ilisimasat immikkullu ittut takusat pillugit video-linki atorlugu paarlaasseqatigiinnikkut. Timmisartukkut kisitsinerit inernerri saqqummiunneqarlutillu oqallisigineqarputtaaq. Kalaallit Nunaanni Tunumi qilalukkat qernertat kinguariaaani kingullerni amerlassutsitigut ineriartorsimanerat siammarsimanerallu naggataatigut oqaluuserineqarput.



Kulusumi kisitsineq pillugu piniartut kisitsinermi peqataanermanni misigisaat (Tasiilaq aamma Kangerlussuaq, aqutsiveqarfijit 1 aamma 2):

Biologit piniartullu akornanni oqallinnernut suleqatigiinnerannullu akuutinneqarneq nuannaarutissaavoq. Paatsuuinerit ikilisippai kiisalu ataatsimoortumik paasinnittaaseqarnissaq annertunerulersillugu. Isumaqatigiinnginnissamut inissaqarnera siunissarlu eqqarsaatigalugu isumaqatigiinnerulernissaq tunngavissinnejarmata nuannaarutissaavoq. Biologit piniartullu ataqqeitatigiillutik imminnut oqaloqatigiissinnaallutik imminnullu ilikkagaqarfigisinnallutik piniartut misigisimapput. Suleqatigiinnerup tamassuma siunissami ingerlaannarnissaa kissaatigineqarpoq. Kissaatit assigiinngitsut taaneqarput, soorlu assersuutigalugu piniartut Pinngortitaleriffiullu akornanni suleqatigiinnerulernissaq peqataasup ataatsip kissaatigaa, soorlu assersuutigalugu biologit qilalukkanik qernertarniarnermi alaatsinaattutut peqataasinnaanerat taaneqarpoq, paasissutissallu tulleriaaqqissaarlugit katersorneqarsinnaapput qilalukkallu qernertat uumasoqatigiit ineriartornerat pillugu ilisimatuussutsikkut atorsinnaasunngorlugit paasitsinsiaanerni atorneqarsinnaassapput, piniartut piniarnerisa nalaanni biologit qilalukkanik kisitsarsinnaassapput. Kisitsineq nunaminngaanniit 50 km-inik avasitsigisumut killeqanngimmat naammagittaalliuutigineqarpoq (Islandimi pilersaarusrorluni ataatsimiinnermi piffissaalatsineq aningaasatigullu mianersorneq peqqutigalugit pingarnersiuinermi ilanngunneqangilaq) aamma sermit iigartartut ilaasa nalaanni sila peqqutaalluni timmisartortoqarsinnaasimannilaq.

Rikke Guldborg Hansenip 2022-mi kisitsinermi inernerit kiisalu qilalukkat qernertat kisitsinermi amerlassusaat siammarsimanerallu saqqummiuppai, taakkulu kingornatigut aamma oqaluuserineqarput. Uumasoqatigiit pillugit kisitsisit kisitsinermiinngaanneersut ikippallaartut piniartut isumaqarput, qilalukkallu qernertat nunap ilaani tusindilikkaanik amerlassuseqarnerarpaat, qilalukkat qernertat 10.000-it tungaannut amerlassuseqassasut piniartoq ataaseq isumaqarpoq. Kisitsineq misissueqqissaarnerlu ilisimatuussutsikkut kukkanngitsumik ingerlaneqarsimasut biologit isumaqarput, inernerillu tutsuiginarnerarpaat, aamma qilalukkat qernertat amerlassusaat katikkaanni malunnaatilimmik ikileriarsimanerarpaat. Timmisartukkut kisitsinermi takusat ikinnerannut piniarneqarpallaarneri, aarloqarnera imaluunniit qilalukkat qernertat allamat nuussimanerat peqqutaanersut oqallisigineqarpoq.

Oqallinneq nalinginnaasumik:

Qilalukkat qernertat qaammatip nungunerani aamma qaammatip imissinnerani Kangerlussualiartartut ullullu pingasut qaangiukkaangata kangerluk qimaqqittaraat peqataasoq ataaseq isumaqarpoq. Qilalukkat qernertat sermip iigartartup ataani piffissami misissuiffiusumi uumasuusut piniartut allat isumaqarput, taamaattumillu takussaasimanningerarpaat. Qilalukkanik qernertarniaratsit ukiuni tusindilikkaani kingullerninngaannit allanngorsimasoq aamma kinguaariaat inuusunnerusut allaanerusumik piniariaaseqarnerat erseqqissaatigineqarpoq (piniarneq qaannamit tamatigut pisangilaq). Kisitsineq juunimi ingerlaneqarsimasussaagluartoq piniartut isumaqarput, tamatuma nalaani amerlanerpaat




takussaasarmata. Kisitsinermi periuseq iluatsissappat qilalukkat qernertat sivisuumik sumiiffimmi ataatsimiinnissaat pisariaqartoq aamma aasarsiorfigisartagaasa ukiiffigisartagaasalu missaanni uumasut katersuunneranni ingerlaarnerannilu kisitsisoqarsinnaanngitsoq (arferit juunimi ingerlaartarpot) ilisimatusartut nassuiaapput. Qilalukkat qernertat ukiuni kingullerni 20-ni amerlassusaasa ineriartornerannut tunngatillugu qilalukkat qernertat amerlassusaat taamaaginnangikkuni amerlanerusut piniartoq ataaseq isumaqarpoq (Kuummiut), sumiiffimmi ataatsimi uumasoqatigiit ikitsunnguakkaarlutik arlaliusut piniartoq alla isumaqarpoq, alla isumaqarpoq Kangerlussuarmi amerlassusaat taamaaginnangikkuni amerlanerusut, allalu isumaqarpoq Tasiilap kujasinnerusortaani qilalukkat qernertat aasaanerani takuneqartartut ikinnerusartut. Qilalukkat qenertat nannullu siornatigutut amerlaqatigiaallutik takussajunnaarsimasut (pingaartumik Kangerlussuup kujataani) taaneqarpoq. Peqataasoq ataaseq isumaqarpoq arferit allat atlantikuminngaanneersut amerlasuut sumiiffinninngaannit qimaatitsisartut. Piniartut tamatuma kingunerisaanik qilalukkanik qernertarniarnerminni avannarpasinnerusumut angalasalertussaapput.

Nutserisoq arlaleriarluni kukkusartoq maluginiarneqarpoq, tamatuma kingunerisaanik biologit piniartullu akornanni paatsoorermik kinguneqartarluni, peqataasunut kipiluttunaqisumik.



Pinngortitaleriffiup Kalaallit Nunaannilu Tunumi piniartut akornanni suleqatigiissitap ataatsimiinnera ulloq 5. oktober 2023, Ittoqqortoormiit aamma internetikkut, Kalaallit Nunaanni Tunumi qilalukkanik qernertanik kisitsinermi misilitakkat pillugit oqaloqatigiinneq (aasaq 2022)



Asseq: Pinngortitaleriffimminngaanniit Ittoqqortoormiininngaanniillu peqataasut (atit, ilangussaq 3 takuuk)

Eqikkagaq

Pinngortitaleriffiup aamma Ittoqqortoormiini piniartut akornanni suleqatigiissitami ataatsimiinneq 5. oktobari, 2022-mi pivoq. Ittoqqortoormiinut internetsikkut attaveqaatit 25.juuli ajoquqnerat peqqutigalugu Tasiilami ataatsimiinnermi oqaluuserisassat assigalugit ataatsimiinneq nanginneqarpoq (ilanngussaq 2). Pilersaarusrorluni ataatsimiinnermit timmisartukkullu kisitsinermi misilitakkat pillugit ilisimatusartut piniartullu naliliipput. Suleqatigiinneq pitsaasutut ilisimatusartunit piniartunillu nalinerneqarpoq aamma siunissami suliniutinut tunngatillugu suleqatigiinnerulernissaq kissaatigineqarpoq. Soorlu assersuutigalugu ilisimasanik avitseqatigiinnikkut aamma video-link atorlugu immikkut ittumik misissuilluni nakkutiginninnerni. Tamatuma saniatigut qilalukkat qernertat amerlassusaasa uppernarsarniarneqarneranni periutsinik allanik atorneqarsinnaasunik piniartut



siunnersuuteqaqquneqarput (maannamut suli siunnersuuteqartoqanngilaq). Taakku saniatigut timmisartukkut kisitsinermit inernerit saqqummiunneqarput oqallisigineqarlutillu. Kalaallit Nunaanni Tunumi qilalukkat qernertat amerlassusaasa siammarsimassusaallu kinguaariaani kingullerni ineriaortnerat oqaluuserineqarpoq.

Rikke Guldborg Hansenip Ittoqqortoormiuni aasakkut qilalukkanik qernertanik 1983-iminngaanniit 2022-mut kisitsinernit inernerit saqqummiuppai, 2022-mi kisitsineq immikkut sammisaralugu. Timmisartukkut kisitsinerit atorlugit qilalukkat qernertat amerlassusaat paasineqarsinnaanngitsut peqataasoq ataaseq isumaqarpoq, tamakkisumik kisitsisit pineqanngimmata. Timmisartukkut kisitsinerni titarnerit ungaseqatigiisssaartut tukimut timmiffigineqartartut atorlugit ingerlanneqartarnerat pillugu Rikke nassuaateqarpoq, taamaaliornikkut immap qaavata ilaanna kisitsiffingeqartarluni (30% miss). Sumiiffimmi ataatsimi missingersuusiorfiusussamik tigooqqaalluni misissuinerit tunngavigalugit arferit amerlassusaat naatsorsorneqartarpoq, tassa imaappoq sumiiffimmi ataatsimi immap qaava qulaanneqarsimannitsoq qulaanneqarsimasumi takusat amerlaqataanik arfeqarsimanera naatsorsuutigineqartarmat. Kisitsinermi inernerit eqqortuunngitsut piniartut isumaqarput, Vikinge Bugtimi ulloq taanna timmisartumik kisitsisoqarmat qilalukkanik qernertanik takusimagamik, naak timmisartuminngaanniit takusoqarsimanngikkaluartoq. Sumiiffimmi ataatsimi qilalukkat qernertat kisitsinermi naleqqiullugu amerlanerusut piniartut isumaqarput. Alaatsinaattut qilalukkanik takunngitsuugaqarsinnaasut Rikke nassuaavoq, immaassinjaammat alaatsinaattut takkuitsuugaqarsimasut imaluunnit arferit aqqarsimasut. Taakku tamarmik kisitsisit katinneranni ilanngunneqartarput. Kisitsinerit misissueqqissaarnerillu tamarmik ilisimatuussutsikkut kukkuneqanngitsumik ingerlanneqarsimasut biologit isumaqarput, taamaattumillu inernerit tutsuiginarput aamma Ittoqqortoormiini Blossevillekystenimilu qilalukkat qernertat katillugit amerlassusaat malunnaatilimmik ikileriarsimapput. Timmisartup motooriata qilalukkat qernertat piissusaannut akornusiisinnaanera oqallisigineqarpoq, soorlu assersuutigalugu timmisartoq apparsalermaat aqqarsimasinnaanerat. Sumiiffinni allani misissuisoqarsimaneranik Rikke nassuaateqarpoq, taakkulu takutippaat timmisartup qulaannerani qilalukkat qernertat aqqartut qilalukanit qernertanit puisunit amerlanerunngitsut.

Nerlerit Inaanni kisitsinermi piniartut peqataanerminni misigisaat (Ittoqqortoormiit, aqutsiveqarfik 3):

Josef Lorenzen: Kisitsinermut pitsasunik tunniussaqarsimalluni misigisimavoq. Timmisartukkut kisitsinerup nalaani ullaat ataasiakkat silamik peqquteqartumik pilersaarusiortariaqarsimaneri paasineqarsinnaapput. Biologit piniartullu akornanni oqaloqatigiinneq pitsasuuusooq isumaqarpoq aamma angalanermi ingerlatsisoq ullormut pilersaarutinik ilisimatitsillaqqinnerarpaa. Timmisartumi teknikkikkut atortorissaarutit eqqarsaatigalugit oqaloqatigiinnerup pitsaanerunissaa kissaatigaa (timmisartumi 2022-mi oqaloqatigiinnissamut kanaalit teknikki peqquataalluni tallimaasinnaasimannngillat, maannali pitsangorsarneqareerput). Timmisartukkut kisitsineq pilersaarutinut naleqqiullugu siusinnerusukkut naggataarneqarnerat ajuusaarutigineqarpoq. Silap



ilimagisamit pitsaanerusimanera taamaattumillu piffissaq sioqqullugu naammassisoqarsimanera nassuaatigineqarpoq.

Oqallinneq nalinginnaasoq:

Qilalukkat qernertat assiginngitsut marluusut piniartut isumaqtigiissutigaat, aappaa Nunap Eqqissimataasup nalaaniittarpoq, tassa imaappoq tamatuma nalaani aasarsiortarmat aappaalu Ittoqqortoormiit nalaanni aasarsiortarluni. Qilalukkat qernertat Nunap Eqqissimataasup nalaaninggaanneersut amerlassusaat ukiuni kingullerni 20-ni nikissimannngitsut piniartut isumaqarput, kisiannili Ittoqqortoormiit nalaanni qilalukkat qernertat ukiuni kingullerni qulini ikiliartulersimapput. Qilalukkat qernertat Ittoqqortoormiinut tikittarnerat allannguuteqarsimasoq piniartut isumaqarput (arferit siornatigut juulimi tikittarsimapput, massakkut septembarimi tikittarput), ingerlaartarnerat allannguuteqarsimasoq takuneqarsimavoq, Ittoqqortoormiit nalaanniittarnerat sivikinnerulersimasoq aamma qilalukkat qernertat Ittoqqortoormiit nalaannut aasarsiortartartut ikilisimapput. Piniarneqarpallaartarneri imaluunniit umiarsuit takornariartaat amerlatsissimanerat qilalukkat qernertat ikilisimanerannut pequtaanersoq oqallisigineqarpoq. Qilalukkat qernertat amerlassusaasa ukiuni kingullerni 20-ni ineriartornerannut tunngatillugu piniartut isumaqarput qilalukkat qernertat aasakkut Nunami Eqqissimataap nalaaniittartut Ittoqqortoormiit avataanni upernaakkut pisarineqarsinnaasartut, kisiannili uumasoqatigiit taakku tamatuma nalaa Ittoqqortoormiineersut tikitsinnagit qimattaraat.

Suleqatigiinneq aamma inassutit pillugit oqallinneq:

Kissaatit assiginngitsut taaneqarput, soorlu assersuutigalugu piniartut Pinngortitaleriffiullu akornanni suleqatigiinnerusalernissaq peqataasoq ataaseq isumaqarpoq, soorlu assersuutigalugu qilalukkanik qernertarniarnermi biologit alaatsinaattutut ilaasinnaapput. Biologit piniartullu suleqatigiinneq ilisimasanillu avitseqatigiinneq pitsasutut nalilerpaat aamma siunissami suliniutini takkukkumaartussani suleqatigiinnerunissaq kissaatigineqarpoq. Suliniutit annertuut aallarnisarneqartinnagit piniartut ilisimatinneqartarnissartik kissaatigaat, soorlu ilaatigut ilisimasanik avitseqatigiinnikkut aamma video-link atorlugu immikkut ittumik nakkutiginnilluni misissuinernut tunngatillugu. Timmisartukkut kisitsinerni siunissami ingerlanneqartartussani peqataasarusullutik piniartut kissaatigaat.



Ilanngussaq 1: Pilersaarusoqatigiilluni ataatsimiinnissamut oqaluuserisassat peqataasussallu aqqi, 7.-8.juni 2022

Ullormut oqaluuserisassat Pinngortitaleriffiup Tunumilu Piniartut suleqatigiissuteqarneranni
Dagsorden, arbejdsgruppemøde mellem Pinngortitaleriffik og fangerne i Østgrønland

Tunumi qernertanik kisitsinissamut pilersaarusoorneq
Planlægning af narhvals tælling i Østgrønland

Marlunngorneq ulloq 7. juni/Tirsdag, d. 7. Juni

9:00 - 10:00	Tikilluaqqusineq (Rikke Hansen) peqataasullu ilisaritinnerat Velkommen (Rikke Hansen) og introduktion af deltagere
10:00 - 10.30	Rikke Hansen Kisitsisarnerit oqalutuassartaanillu saqqummiussissaq Oplæg fra Rikke Hansen om tællinger og historie
10:30 - 11:00	Kaffi/Kaffe
11:00 - 11:30	Mads Peter Heide-Jørgensen kisitseraatsit marluk pillugit saqqummiussissaq Oplæg fra Mads Peter Heide-Jørgensen om to tællemetoder
11:30 - 12:00	Piniartut Tasiilaq eqqaaneersut qilalukkak pillugit saqqummiussinerat Oplæg fra fangerne om narhvaler, Tasiilaq området
12:00 - 12:30	Piniartut Ittoqqortoormiit eqqaanni qilalukkak pillugit saqqummiussinerat Oplæg fra fangerne om narhvaler, Ittoqqortoormiit området
12:30 - 13:30	Ullup qeqqasiorneq/Frokost
13:30 - 13:50	Tunup Avannaani qernertanik nalunaqutsiinerit pillugit Pinngortitaleriffimmiit saqqummiussineaq Oplæg fra GN om narhvalsmærkninger i Nordøstgrønland
13:50 - 14:10	Pele Blytmann timmisartumik kisitsinermi 2022'ni ingerlanneqartumi peqataasimanini pillugu saqqummiussissaq Oplæg fra Pele Blytmann om deltagelse i GN flytælling i 2022
14:10 – 14:30	Kristoffer Hammeken timmisartumik kisitsinermi 2022-mi ingerlanneqartumi peqataasimanini pillugu saqqummiussissaq Oplæg fra Kristoffer Hammeken om deltagelse i GN flytælling i 2022
14:30 - 15:00	Kaffi/Kaffe
15:00 - 17:00	Eqimattani suliaqarneq: piffissaq kisitsiffiusussaq, periuseq sumiiffiillu pingaartitat sumiinneri pillugit Gruppe arbejde om tid for tælling, design, vægtning af områder

Pingasunngorneq ulloq 8. juni/Onsdag, d. 8. Juni

9:00 - 10:00	Eqimattaniit saqqummiussineaq, killiffik Oplæg fra grupperne, status
10:00 - 12:00 inkl kaffe	Eqimattani sulineq/Gruppe arbejde
12:00 - 13:00	Ullup qeqqasiorneq/Frokost
13:00 - 16:00 inkl kaffe	Kisitseriasissat, periussat, sumiiffiit, piffissaq kisitsiffiusussaq nalunaarusiamillu allannissaq Konsensus om design, metode, område, tid for tælling og rapportskrivning
16:00 - 17:00	Naggasiineq pilersaarummillu tunniussineaq/Afslutning og udlevering af plan



Moderator/Ataatsimiinnermik aqutsisoq;

Amalie Jessen

Pinngortitaleriffik;

Rikke Guldborg Hansen
Mads Peter Heide-Jørgensen
Lars Witting
Rasmus Stenbak Larsen
Else Løvstrøm

Fangere/Piniartut;

Tasiilaq:
Frede Kilime
Tobias Ignatiussen
Kuummiut:
Eli Ignatiussen
Sermiligaaq:
Simmujooq Nathanielsen (AFBUD)
Tiniterilaaq:
Otto Nakinge
Kulusuk:
Lars Bianco Mikaelson
Ittoqqortoormiit:
Scoresby Hammeken
Hjelmer Hammeken
Josef Lorentzen
Åge Hammeken Danielsen
Aqqalu Barsilajsen

Tolk/Nutserisoq;

Laila Olsvig Schytz (Tasiilaq)

Tidlige observatører på flytællinger i Vestgrønland 2022/Kisitsinerni peqataasimasut 2022;

Pele Blytmann (Ilulissat)
Kristoffer Hammeken (Ittoqqortoormiit)



Ilanngussaq 2: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juli 2023

Dagsorden 9:00 - 9:30	Velkommen og introduktion af deltagere samt deres bidrag ifm tælling
9:30 - 10.00	Oplæg fra Else Løvstrøm om konklusion, interview mm fra fangermødet i juni 2022
10:00 - 10:20	Oplæg fra Frede Kilime om deltagelse i tællingen ud fra Kulusuk
10:20 - 10:40	Oplæg fra Kristoffer Hammeken/Josef Lorentzen om deltagelse flytællingen ud fra Ittoqqortoormiit
10:40 - 11:00	Kaffe
11:00 - 11:30	Oplæg fra Rikke Hansen om tællingen herunder resultater
11:30 - 12:30	Frokost
12:30 - 13:00	Oplæg fra fangerne om narhval fangst i 2022
13:00 - 14:00	Fælles diskussion om resultat af tællingen og samarbejdet
14:00 - 14:30	Konklusion om tælling
14:30 - 15:00	Kaffe
15:00 - 15:30	Slut dokumentet godkendes

Ullormut oqaluuserisassaq 9:00 - 9:30	Tikilluaqqusineq peqataasullu imminnut ilisaritinnerat kisitsinermilu sutigut ikuuttoqarsimanersoq
9:30 - 10.00	Piniartut Islandimi juuni 2022imi ataatsimeeqatigineqarnerini inernerisa, apersuinerillu saqqummiunneqarnerat
10:00 - 10:20	Frede Kilime Kulusummiit kisitsisimanermut peqataasimaneq pillugu saqqummiussaqassaaq
10:20 - 10:40	Kristoffer Hammeken/Josef Lorentzen Ittoqqortoormiiniit kisitseqataasimanermennik saqqummiussissapput
10:40 - 11:00	Kaffi
11:00 - 11:30	Rikke Hansen kisitsinerup inernerinik saqqummiussineq
11:30 - 12:30	Ullup qeqqasierneq
12:30 - 13:00	Qernertanik qilalugarniarnerup 2022imi qanoq issimanera pillugu piniartut saqqummiussaqarnerat
13:00 - 14:00	Suleqatigiinneq kisitsinerullu inerner i pillugit eqqartueqatigiinneq
14:00 - 14:30	Kisitsinerup inernerisa inaarusiornera
14:30 - 15:00	Kaffi
15:00 - 15:30	Inaarutaasumik suliap akuerineqarnissaa

PINNGORTITALERIFFIK

GRØNLANDS NATURINSTITUT



POSTBOKS 570
3900 NUUK
GRØNLAND
TLF. 36 12 00
FAX 36 12 12
www.natur.gl

Moderator/Ataatsimiinnermik aqutsisoq;

Ole Jens Lundblad

Pinngortitaleriffik;

Rikke Guldborg Hansen

Fernando Ugarte

Else Løvstrøm

Fangere/Piniartut;

Tasiilaq:

Frede Kilime

Tobias Ignatiussen

Kuummiut:

Eli Ignatiussen

Anders Sanimuniaq

Sermiligaaq:

Simmujooq Nathanielsen

Tiniterilaaq:

Otto Nakinge

Kulusuk:

Lars Bianco Mikaelson

Isortoq:

Mikael Haraldsen

Ittoqqortoormiit: (AFBUD)

Scoresby Hammeken

Hjelmer Hammeken

Josef Lorentzen

Åge Hammeken Danielsen

Aqqalu Barsilajsen

Tolk/Nutserisoq;

Kristian Kalia Smukk



Ilanngussaq 3: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juli 2023

Dagsorden 10:00 - 10:30	Velkommen og introduktion af deltagere samt deres bidrag ifm tælling
10:30 - 11.00	Oplæg fra Else Løvstrøm om konklusion, interview mm fra fangermødet i juni 2022
11:00-11:20	Pause
11:20 - 11:40	Oplæg fra Kristoffer Hammeken/Josef Lorentzen om deltagelse flytællingen ud fra Ittoqqortoormiit
11:40 - 12:00	Oplæg fra Rikke Hansen om tællingen herunder resultater
12:00 - 12:30	Frokost
12:30 - 13:30	Oplæg fra fangerne om narhval fangst i 2022 og 2023
13:30 - 13:50	Pause
13:50 - 14:30	Fælles diskussion om resultat af tællingen og samarbejdet
14:30 - 14:50	Konklusion om tælling,
14:50 - 15:00	Slutdokumentet godkendes

Ullormut oqaluuserisassaq 9:00 - 9:30	Tikilluaqqusineq peqataasullu imminnut ilisaritinnerat kisitsinermilu sutigut ikiuttoqarsimanersoq
9:30 - 10.00	Piniartut Islandimi juuni 2022imi ataatsimeeqatigineqarnerini inernerisa, apersuinerillu saqqummiunneqarnerat
10:00 - 10:20	Frede Kilime Kulusummiit kisitsisimanermut peqataasimaneq pillugu saqqummiussaqassaaq
10:20 - 10:40	Kristoffer Hammeken/Josef Lorentzen Ittoqqortoormiiniit kisitseqataasimanermennik saqqummiussissapput
10:40 - 11:00	Kaffi
11:00 - 11:30	Rikke Hansen kisitsinerup inernerinik saqqummiussineq
11:30 - 12:30	Ullup qeqqasiorneq
12:30 - 13:00	Qernertanik qilalugarniarnerup 2022imi qanoq issimanera pillugu piniartut saqqummiussaqarnerat
13:00 - 14:00	Suleqatigiinneq kisitsinerullu inernerri pilligit eqqartueqatigiinneq
14:00 - 14:30	Kisitsinerup inernerisa inaarusiornera
14:30 - 15:00	Kaffi
15:00 - 15:30	Inaarutaasumik suliap akuerineqarnissaa

PINNGORTITALERIFFIK

GRØNLANDS NATURINSTITUT



POSTBOKS 570
3900 NUUK
GRØNLAND
TLF. 36 12 00
FAX 36 12 12
www.natur.gl

Moderator/Ataatsimiinnermik aqutsisoq;

Bjarne Lyberth (Ababsi)

Pinngortitaleriffik;

Rikke Guldborg Hansen

Mads Peter Heide-Jørgensen

Fernando Ugarte

Else Løvstrøm

Fangere/Piniartut;

Scoresby Hammeken (Inuuta)

Hjelmer Hammeken

Josef Lorentzen

Åge Hammeken Danielsen

Isak Pike

Gaba Abelsen

Martin Madsen

Tolk/Nutserisoq;

Else Løvstrøm